

# Il Corpus Catholicum ha già blera lavur

■ (anr/gc) L'onn passà è il **Corpus Catholicum, resp. la Baselia catolica dal Grischun – ed en spezial sia cumissiun administrativa – stà confruntà fitg, sper las fatschentas usitadas, cun plirs projects, oravantut cun reglamentar da nov l'administraziun finanziaria e las contribuziuns a las plaivs**. Uschia ha il Corpus Catholicum tractà in messadi per confanziar il feigl parochial chantunal e concedì in credit annual da 150 000 francs per trais onns ed ina contribuziun da partenza. La purtadra dal feigl parochial chantunal è da furmar.

L'ordinariat episcopal veva intervegnì per refurmar il dretg statal chantunal pertutgant la baselia. Il Corpus Catholicum na vesa per il mument nagina necessitat per midadas. Pertutgant temas e propostas ha l'ordinariat elavurà in project (vadecum) per collavurar cun las

corporaziuns (baselgias) chantunales. Quellas han medemamain fatg propostas per reglar. Cun ina glista communabla da prioritads vul ins cuntanscher ina meglra collavuraziun.

Zunt satisfatg è il Corpus Catholicum che la populaziun grischuna ha refusà cleramain l'aboliziun da la taglia da cultus per persunas giuridicas. Intensivamain è la cumissiun administrativa s'occupada cun il project per il nov sistem da dar contribuziuns financialas. Il messadi vegn preschentà e tractà tar la radunanza dal Corpus Catholicum da questa emna.

## Main entradas e sperdita

L'entrada principala dal Corpus Catholicum è il retgav ord da taglia da cultus chantunala. Segund il dumber da catolics (89 000, 54,3%) retrai la baselia catolica chantunala 4,1 milliuns. Visavi l'onn avant è quai in minus da 114 000

francs. Da quels daners èn 2,1 milliuns ids sco contribuziuns da gulivaziun a 67 da total 123 plaivs. Vitiers vegnan sustegn per renovaziuns ed ovras pastorales. Segirà persuerter è vegnì la summa da 305 000 francs – u 161 000 damain che l'onn avant. Il quint serra cun in surpli d'expensas da 142 000 francs tar entradas e sortidas da mintgamai 4,7 milliuns. La bilantscha mussa dentant ora ina summa da pli che 25 milliuns.

## adebar – puspè sin glista

Per mauns da la radunanza dal Corpus Catholicum repeta l'ordinariat episcopal sia proposta da na sustegnair l'organiziun adebar (post da cussegliaziun per planisaziun da famiglia, sexualitad, gravidanza e stgatschada a Cuira). Tant 2012 sco 2013 ha il Corpus Catholicum mintgamai refusà cleramain quella proposta. I sa tracta be da 15 000 francs.